

նի և նորածնի անկողինը: Քաշկը երկունքի ժամանակ աշխատում էր կնոջ ջիգարը պոկել և ուտել:

Մենդկանը ազատվում էր խոտի կամ ծղոտի վրա շոքած վիճակում, խոտն ու ծղոտը նաև ուրիշ ազգերի մեջ պաշտպանում էր գետնին վիստող շար ոգիներից¹¹¹: Ավելի էր պաշտպանում մաղը: Եթե այդ տանը նորածին երեխա չէր մնում, նոր տղաբերքի ժամանակ ծննդկանին շոքացնում էին այնպես, որ երեխան ընկնի մաղի մեջ և երեխային էլ ծնվելուց հետո պառկեցնում էին ոչ թե օրորոցի, այլ մաղի մեջ: Մենդկանին երբեք չէին թողնում մենակ—չիների թե խապրալուչ ֆաշկէր նրա վրա հարձակվեն, տկարացնեն, նույնիսկ մահ պատճառեն կամ նորածնին փախցնեն կամ փոխեն: Ակամա վերհիշում եմ Մ. Խորենացու պատմածը Արտավազգի մասին, թե ժողովրդի մեջ ավանդվում էր, որ քաջքերը՝ վիշապազունք ծննդկան Սաթենիկի մոտից գողացան Արտաշես թագավորից նրա ծնած տղային և «դե փոխանակ եղին»¹¹²: Երեխային գողանալու վտանգը շարունակ կար: Գիշերը երեխային դուրս տանելիս ձեռքը պետք էր ածուխ տալ: Նրա օրորոցը ֆաշկէրից պահպանելու համար պողպատե իրի հետ մի շորի մեջ փաթաթում էին նաև ածուխ, դնում գլխի տակ: Նրա օրորոցին կախում էին զանազան հմայիլներ, մանավանդ կապույտ ուլունք: Եթե տան մեջ ծնված երեխաները մեռնում էին, այսինքն՝ ֆաշկէրն այդ տան հետ թշնամացած էին և երեխա չէին թողնում՝ յոթ տնից, որտեղ ծննդաբերուձյան ընդունակ կանայք մեռած չեն, կտորներ էին հավաքում և նորածնի համար շոր կարում, որ ֆաշկը չկարողանա կտորի հիման վրա ջոկել, թե ո՞ր տան երեխա էր: Քաշկէրը վտանգավոր էին ծննդկանի համար նրա ամբողջ քառասունքի ընթացքում, տանից առաջին անգամ դուրս գալուն և առաջին անգամ ջրի գնալուն: Այդ պատճառով ծննդկանը տանը ման գալիս կամ ըստվերի մեջ դուրս գնալիս շամփուրը ձեռքն էր առնում և քայլում էր նրա սուր ծայրով գետնին ֆաշկէրին խողխողելով: Առաջին անգամ ջրի գնալիս նա պիտի իր հետ վերցնեք շամփուր կամ որևէ պողպատե կտոր և աղբյուրին ցորեն կամ գարի ցաններ: Այդպիսով ջրի մեջ հավաքված ֆաշկէրը հեռացվում էին, անվտանգ դարձվում:

Քաշկէրի դեմ էֆեկտիվ էին նույնպիսի միջոցներ, որոնք գործադրվում էին իրոք ֆիզիկապես գոյություն ունեցող էակների դեմ: Նրանց կարելի էր՝ բռնել, աշխատեցնել.

կարելի էր ոտքի տակ ջարդել.

հարսանիքի ժամանակ տուն մտնող նորապսակ զուգի ոտքի տակ ամանի հետ կոխոտել.

ձիու սմբակներով կոխոտել ծանր տղաբերքի ժամանակ.

ջրի մեջ խողխողել.

քշել տհաճ հոտով.

գետնին գամել.

այրել գիշերը ավելի ծայրին.

կարելի էր ֆաշկէրի մերձենալն արգելել վտանգվող մարդու կամ խմբի շուրջն օղակ գծելով կամ օղակ կազմելով աղաբէրֆի, հարսանիքի ժամանակ.

¹¹¹ Кагаров Е. Г., Состав и происхождение свадебной обрядности, Сборник музея антропол. и этнографии, том VIII, Л., 1929, էջ 175:

¹¹² Գ. II, գլ. 48.